



INUIT ATAQATIGIIT INATSISARTUNI

29. januar 2007

Inatsisartut Suleriaasianni § 36, imm.1 naapertorlugu Naalakkersuisunut apeqqut imaattoq matumuuna saqqummiuppara:

1. Aalisarneq pillugu Inatsisartut inatsisaat nr. 18, 31. oktober 1996-immersup § 15, imm 3 aamma imm. 4 ingerlatseqatigiiffinit imaluunniit inuit ataasiakkaanit aalisariutitik piginnittunit eqqortinneqartarpat?

2. Inatsimmik pineqartumik unioqqutitsisoqarpat Naalakkersuisut qanoq iliuseqarfiginiarpaat?

3. Unioqqutitsisoqarsimappat tamanna qanoq sivisutigisumik ilisimaneqarsimava ?

(Inatsisartuni ilaasortaq Ane Hansen, Inuit Ataqatigiit)

Tunngavilersuut:

Aalisarneq pillugu inatsisartut inatsisaat nr. 18, 31 oktober 1996-imeersoq, kapitali 7. Aalisarnerup naliginnaasumik malittarisassatigut aqunneqarnera akuersissutit il.il. § 15, imm. 3-mi imatut allassimasoqarpoq " Ingerlatseqatigiiffiit imaluunniit inuit ataasiakkaat pisassiissutinit pigisanik aalisariutit ilaannut immikkoortunut avataasiortunut pisasssiissutigineqartunit pisiortornermikkut pisassiissutinit tamarmiusunit 33,3 %-ii qaangerlugit pigisaqalersinnaanngillat." kiisalu aamma § 15, imm. 4 imatut allassimasoqarluni " Ingerlatseqatigiiffiit imaluunniit inuit ataasiakkaat pisassiisutinit pigisanik aalisariutit ilaannut immikkoortunut siunerissamut qanittumi aalisartunut pisassiissutigineqartunit pisiortornermikkut pisassiisutinit tamarmiusunit 10 %-ii qaangerlugit pigisaqalersinnaanngillat".

Nalunaarusiap (Rapport fra "det uvildige udvalg nedsat af Grønlands Hjemmestyre oktober 2005-kalaallisuaa atussooq) takutippaa ullumikkut inatsisit taakkua eqqortinneqarnersut apeqquserneqarsinnaalersimasoq.